

# ديوان مكتوبة فى ننى العين

احمد محمود سليمان ابوحج

## العزف على وتر الحنين

---

قلبي أنعصر ويلى  
شوكة فى حلق الجبل  
ما اهتز

ر يحبك معدش تهب  
من فوق شواشى البيت  
قلبي محزش فيه  
غير الألم والويل  
والعزف على وتر الحنين  
والخوف من المجانين  
سبت البلد

سبت الولد

لكن مسبتش عزتك

لكن مسبتش نخوتك

كنت التاريخ اللي اكتب

محفوظ تعيشه امتك

ريحك شمالي أو جنوبي

معدش يفرق

ولا راح يفرق

فصل الفواصل والحدود

رغم النتانه والبلاده والجحود

المسرحيه ع الغلابه بتتلعب

الشعب فاهم لعبته

الحق مين هايسكرته

الكل عارف سكرته

صوتك هاي فصل يا جبل

جوا فى قلوب الولاد

والريح ماعدش تهز المستحيل

وادي الدليل

ضربه هنا دوى هناك

تطلع كابوس فى حلمهم

مكتوب عليهم يسكنوه

يسكن يغفل وسطهم

خوف الولاد عشش

سنين فى قلبهم

عمر الزمان واللا التاريخ

يقدر يغير طبعهم

هما كده

طبع النداله فى دمهم

من عهد حام

اسأل كمان العم سام

طبعاً يقتلك عنهم

صوتك هاي فضل يا جبل

زلزال يززل حلمهم

تاريخ ما بيفرقش

لكن بيكتب ع الورق

عمال على بطل

شايل هموم الكون

واللى سكن ارض الغلابه الطيبين

واللى عجن دمه التراب

ان كان فى غزه او جنين

واللى أندفن فى مقبره

واللى عبر من فوق شواشى القنطره

مين يا ترى

ينسى الوطن

أنا مفتكرش

ان يوم نسيت دا مستحيل

وان يوم رضيت بالذل

وان يوم رضيت بالذل

هتكون العميل

غنوه لبكره

كفاية أعيش على ذكراكي

يا حبي

وافضل أقول

كلام فى الحب

خليني ودا حقي

مفيش غيرك قدر يا عمري

يبعدني عن الضحكه

عن الأفراح

وفات القطر مركبتش

ياريت أركب يعديني

صراع الموج

ركبت البحر ولا خفتش

لقيت البحر واخذني

مرجعي لماضي بعيد

مرار ومرار

يا خوفي العمر يبعدني

ولا يقدر يوصلني

ولا يهدي

ويقطع سكة المشوار

تعدي الموجه والموجه

تقربني مسافاتك

ولو فاتك شراع الحب

يدق القلب دقاته

ويبكي مع زمان فاته

ويبعث مع بريد العين

رسالة من رسالاته

كفاية أعيش

على الذكري

تخدني ملامح الفكرة

ونبقي غنوه تتغني

يغنوها الولاد

بكرة

يا دبحاني بأهات سيفك

---

سألتك والسؤال

ما حرمش

يا سايق في الدلال

متعمش

أني أفهمتك

ع طول بالرمش

وعلمتك أصول الحب

وقلبك طب

يا شاطر

أخذني الشوق

وأنى مسافر

وأنى معافر ومش كافر

بأنك يوم بقيت منى

وأنى منك

وتاه منى وتاه مينك

ومية حلفان

على يمينك أنى بحلف

ومش هخلف

مواعيدك

ولا هابعد بعيد عنك

لأنك صورته فى كتابي

وردي بحكمه فى جوابي

وفي سؤالي عليك على طول

ومهما تطول

سنين بعدك

مليش فى الكون

حدن بعدك

أنى بعدك هعيش

رحال

وفرصه للكلام يتقال

وآه تطلع على كيفها

منيش قادر أحدها

دي عايزلها جدع زيك

يلعبها ويهددها

يا آه انى على كيفك

يا دبحاني بأهات سيفك

على مهلك بحنيه

خلاص قلبي

وقع فى الفخ

صديه بالراحه

ياوليه

---

نصبر على المكتوب

---

جنزير بدور

ع تروس العجل بيلف

والآه مغروسه

في حلق الألم ها تخف

وأنا ريقى شف

مقدرتش أعد النفس

م الآه

رحمة الآلاه والقدر متكزبشى

احلام نعيشها نشوفها

نعایشها فيها ش هزاز

لو كان الحكم جبار

نصبر على المكتوب

ولو جار علينا الزمن

قادر علينا يتوب

سفینه راسیه بأمان

نحسبها طواله

خداعه للإنسان

راسیه وشغاله

ملیانه وهم و خداع

ماشیه ع دي الحاله

مسکین الحزین مهموم

ما شي على كيفه

حاسس كأنه البطل

رافع عليه سيفه

مهوش دريان بالزمن

كأن الزمن ضيفه

معقول يطول الكلام

ولا يخلص من التعبير

كله كلام فى كلام

انسخها من التفكير

ان يوم قصر معاك

حسك ضميرك

تحس الكلام بضمير

وادي صفة الآلاه

قادر على التغيير

يا سواقي بتلف

فاضية من الميه

لحظة ما جف القلم

عبيته بأديه

ما هي الحياه اختبار

والصبر فيها مر

الحر عایش حر

لو جار الزمن

أو ضر

---

يا أجمل اسم  
فى الدنيا  
أيا أمي

---

يا أجمل أم يا أمي  
يا شايله همي وهمومي  
وانا أصغير  
وتدعيلي فى صلواتك  
عشان أكبر  
وتخديني فى أحضانك  
بحنيه  
يا سهرانه وأنا نايم  
عشان أرتاح  
يا ضحكة حب مرسومه  
على خدك  
فى كل صباح  
تريحني تفرحني تتجحني  
فى آخر العام  
يا شايله الهم من بدري  
يا ست الكل  
نهارك فل  
ومتعطر من الرحمن  
وفى القرآن كمان  
مذكوره يا أمي  
وأدعيلك بأن المولي  
يرعاكي ويحميكى  
من الحساد  
دا حبك زاد  
يزودني  
ويسعدني  
يهددني  
يسلينى  
يا أجمل كلمه فى كتابي  
يا أحسن رد فى جوابي  
يا قلب كبير من الأشرار  
بيحميني ويرعاني

طريق مسدود

ولو جاني أغنيله  
وأعيش العمر أتمني  
أقول ثاني مواويله

طريق مسدود

ما وصلنيش لحارتنا  
ولا حتي عرفت البيت  
أدور بين سواقي الغيط  
الف الفه مارجعش  
ولا أعرف كمان امشي  
ولا أعرف ببان الدار  
ولا عزبة جلال قدره  
ولا النصبه ولا الدوار  
ولا مسكن قديم لنا  
ولا عشة تدارينا  
ولا نخله قصاص بيتنا  
ولا توته وعنبايه  
ولا شجره وضليله  
ولا قعده مع العيله  
يا ليله لون سواد الوش  
ومغموسه بدود المش  
ما هو في القفا سلاه  
وعاملي مراية وش  
ياديك ادن على الحيطه  
وسمعي الادان بدري  
وحسني بأن الحاره  
مسكونه وفيها أدان  
وسمعي معاه قرآن  
وصوت الشيخ أبو عمه  
دا قلب من النكد ورماني  
طريق وانسد  
في وشي  
قبل ما فوت  
قبل ممشي  
ما ينفعشني أفوت منه  
ولا ينفع أعديله  
ها أفرش على الطريق حنه

## آه يا وطن

---

خللوا الوتر  
ع القلب يعزف  
من جديد  
ويحين ثاني للربابه  
والغنا والدندنه  
آه يا وطن

---

دق الوتر  
يوم على الربابه  
وقال أنا  
وبدندنه الحزن  
خيم على البيوت  
ساد السكوت  
من غير كلام  
قسم صبا  
عزف البياتي  
شد أوتار الندم  
هو الألم  
مين يحمله ويتحملة  
الحمل أصبح شى ثقيل  
العمر مشواره طويل  
كام ألف عام  
ذكر الحمام زام  
ع البناني والعشش  
ريش وانتفش  
عمال يهدوا  
فى الصوامع والجوامع  
عمال بيبنوا فى الجدار  
فرضوا الحصار غصبن عن اللي  
واللي عللي  
ع الكراسي والدكك  
عيني بكت لما اشتكت  
مين يمسحك يادمعه  
نازله على الخدود  
مين يسمعك يا صوت  
بنادي ع الحدود  
صوت البرود فى أيد الولاد  
فكوا القيود  
خلوا الولاد تعرف  
طريق المعركة



## مستني ردك ع السؤال

ايه يا تري فاضل لهم  
مستني ردك  
ع السؤال ؟

جبلي العسل جبلي  
جبلي العسل جبلي  
معجون بطعم المستكه  
مخلوط بلون الزعفران  
منقوش بلون الفبركه  
واتفسرت فيها الملامح والصور  
والأخطبوط لملم ضفاير حلمها  
غير ملامح اسمها  
غابت معالم شمسها  
ز عى الغراب  
انا قلت خير  
مالك ياطير  
ماش بالعوايد نسمعك  
لفيت بلاد الهند  
طففت السند  
رغم العند  
لسه عشك متبناش  
رغم الكلاحة والبجاجة  
وعدم الصراحة  
برضوا قاعد على قلبها  
نايم على جمر الألم  
حاسس فى نفسك بالندم  
ملكاش بقا  
يا للأبقا أنوا الرحيل  
سيبك من الوهم السراب  
هنعلمك نبج الكلاب  
وتعيش سواد بختك  
هنعلمك كيف العويل  
يا ليل طويل  
ياليل سوادك منتهاش  
ضاع بلاش  
حلم الغلابه الطيبين  
واللا الكابوس  
اللى نخر فى عضمهم  
غير معالم حلمهم  
شتت نوايا فرح

## رايات النصر

---

رايات النصر  
يوم العيد هلت  
والفرحة طلت م السما  
ع الكون  
والشعب تاني اتنفض  
نفض الغبار وارتاح  
طلع الصباح نور  
حارات الهم  
والتم شمل الشتات  
بعد الفوات والغم  
ومسحنا عار الزل  
واتلون التراب بالدم  
واللي بيدري بيدري  
واللي ما عرف  
عليه السنين راحت  
ضربه قويه رجعت  
حلمي اللي تاه  
فضل الآلاه يا وطن  
ما يتنسيش

---

## سكة سفر

---

من المنبع  
وأعدي السكه بالراحه  
طويت رحلة سفر وعذاب  
نهيت مشواري مع جرحي  
طويت فرحي  
رسمت السكه قدامي  
لقيت مشواري من  
دلوقتي راح يبدأ

---

سكة سفر  
ملهاش قرار  
يا مشوار العذاب  
ابدا تعاليمك  
وعلمني الحكايه وقول  
ولا عاد الكلام ينفع  
ولا عاد البكا يشفع  
ما هو الضرب ع المكشوف  
يهد الحيل وبيوجع  
يا سكة سفر رايحه  
هتحدفني لأبعد حد  
فى المرمي  
ولا حدش هيعرفني  
ويحدفني عن السكه  
صحيح مشواري  
رايح يبدأ  
من المبدأ  
أقول يا عمري هتولي  
أتوب من زنبي أحسن لي  
خلاص يا عمري مشوارك  
بدأ يهلك  
معودنيش على مسلك  
هبيجي اليوم  
وفيه تهلك  
وتتساني  
وتكتبني فى لوح فضي  
أعيش أيامك الحلوة  
من الماضي  
يدوب الماضي بيعدي  
وانقش سيفي بالحنه  
وأتمني أتوب وارجع  
وأبدأ سكة المشوار

## يا عار الأمة لما تموت

تاھت ھروف

الكلمه

جوا الصمت

محبوسه

فی خلق الخوف  
ومغروسه تعزینی

على حالي  
وتاه الصمت

والكلمه  
وحتي الاله يدوب  
طالعہ

تعزینی کمان ھیا  
تلملم حزن متخبي  
ويا ربي ما شفش

يوم

نھارہ لیل

واشوف السيل

بيجرف خاين الأمه  
وأشوف الأمه

ملتہ

بتاكل فی طبق

واحد

واشوف الناس  
توحد ربھا

لواحد

مفیش واحد

ما بيعزیش  
ولا واحد کمان

يبکیش

ولا موحد مبيصلیش  
بلاش تبکیش

ع بعضینا  
ملانا الخوف جبان

يسکن حوارینا  
وصمت الکون

سکون باھت حوالینا

ما ھي الأحزان  
أھي ساکنه فی وسطینا

نبکیھا وتبکینا

ومین فینا یقدش نار  
یا عار بالدم متلطخ

على خدودنا

ما زال أمریکا

عماله تهددنا  
ومعما الأبله دلوعه

تساندها

وتحميھا وتساعدها  
وتديھا زمام الأمر

تحکم بیه

وتتغطرس وتتجبر  
فی وسط

الخلق تکبر

یا عار ع الأمة لما تموت

وتتوسد وساد الموت

وتتلحف بصمت الخوف

ملانا الخوف

يعربد زي ما بدو  
مفیش راجل

يقف ضدو

ولا یقاتل ولا یهدوا

یا حال ع الأمة مش راض  
ولا قادر تقول

الحق وتنادي

مفیش غیرک یا نصر الله

أخذ بالتار وقال یالا  
على الطاغي وقال

یا مین یساندني

ویوعدني یجیب التار

ویضرب نار

على الخنازیر

## قول متخفش

-----

وبعفويه الكلمه بتطلع  
بمنعهاش  
لما بتطلع مني الكلمه  
برجعاش  
لو منعوها كل العالم  
ما بينفعشي  
أصل الكلمه لما بتطلع  
مابتجعشي  
أصل كلامي مش ع الفاضي  
والمليان  
ولا حكيوه عايز أحكيها  
للنفسان  
ولا فزوره ملهاش حل  
ولا حدوته قبل النوم  
أصل كلامي ساعات بيوجع  
واللا أقولك  
وجع الكلمه أصعب  
من وجع النبوت  
أصل أنا عارف  
كل كلامي مش ع الكيف  
لكن يا ابني الكلمه بتقتل  
زي السيف  
خدها نصيحه  
وحلقه في ودنك  
لو تخاف متتكلمش  
ولا تحبسشي  
كلامك يا ابني  
وقول متخفش  
عبر عن وجعك وهمومك  
ما اتفكرش الناس هاتلومك  
لو كان صح  
وأمش الصح  
وقول الصح  
متخليش الكلمه توارب

لو مش عاجب ميهمكش  
قول اتكلم قول متخفش  
خللي كلامك يدوي يسمع  
كل الكون  
يمكن يسمع منك واحد  
في المليون  
تبقا نجحت  
تبقا الكلمه وصلت يا ابني  
خلاص لصحابها  
واتريحت  
قول ما اتخفش

-----

أني شاطر في رص الطوب

---

وسيب ودنك لنغماتي  
منيش زيك  
مبعر فشي ارض الطوب  
ولا زيك بسيب نفسي لأوهامي  
ولا زيك بفكر يوم  
أكون قاسي  
ولون قلبي كما الحزوب  
أني شاطر في رص الطوب

---

بلاش تماحيك  
بلاش تلكيك  
بلاش تعوم مع العايمين  
وتنزل بحر يغدر بيك  
وتتوهم بانك يوم  
بقيت شاطر  
في فن العوم  
ولا يمكن تكون قادر  
ترص الطوب  
لأن الطوب ألو بنا  
وأصل الكلمة لما تكون  
علي الكلمة هتتغنا  
وإن المغني له ناسوا  
وأن الشعر دا احساس  
وبرضوا الناس هتتمعنا  
وهات معني يحسني  
بانك يوم الك قيمه  
متبقاشي عدد في لمون  
ماتنعدش  
لان العيش اذا اتاكل  
مابتفتشش  
وحب الشعر  
واكتب شعر  
وقول الشعر  
لما الشعر يشعر بيك  
بلاش تماحيك  
بلاش تلكيك  
لأخذ جزمه من جزماتي  
وانزل فيك  
واسمعي  
واسمع مني كلماتي

كفايه آه

كفكفى دمعك يا عين

وكفايه آه هايفيدنا ايه كتر الدموع

حتى لو نزلت مطر

والنوح وكتر البكا

والأعتراض ع القدر

راح الى راح

ساب الجراح

كتر النواح هايفيد بايه

احنا كده احنا ، بشر

ساعات بتجمعنا المصايب

ساعات يجمعنا القدر

احنا كده متعودين

نضحك مع الضحك الحزين

نبكى مع الفرح السجين

والآه تلملمنا

وصوت الناي

ولو راح الحزن عنا

يقول أنى جاى

ها أفرد ع البيان باعى

واستنى الفرح تانى

عشان يفوت

يرجعنى لأوجاعى

يقول راجع

ألاقى ع البيان الهم

يخبط يدخل الدوار

يفتش فى حوارى الدار

ويسكن فى مساكنها

اسكر بابى بالضبه

اقولوا اطلع ماتدخلشى

يقول قاعد معاك حبه

اقولوا روح ماترجعشى

يقوللى خلاص ماينفعشى

انى قاعد حذاك أرتاح

معاى للضبه مية مفتاح

ولو تسكن فى آخر الكون

منيش سايبك

ولو تطلع على المريخ

أنى جايبك

لأنى خلاص بقيت صاحبك

وما استغناش يعدى اليوم

ولا اشوفك

لأنى خلاص

بقيت منك

أسليك وتسلينى

\*\*\*\*